

1. Le o seguinte texto as veces que precisas, ata que esteas preparado/a para responder as preguntas de máis abaixo:

Miguel Anxo: un verdadeiro xenio!

Michelangelo Buonarroti naceu en 1475 en Italia. Foi escultor, pintor, arquitecto, poeta e enxeñeiro. Un artista teimudo, apaixonado e solitario: un xenio!

De aprendiz a mestre

Aos trece anos Miguel Anxo ingresou como aprendiz no obradoiro do famoso pintor Ghirlandaio. Axiña demostrou que tiña unha habilidade extraordinaria para o debuxo e que superaba en talento ao seu mestre. Outro aprendiz do obradoiro, o envexoso Pietro Torrigiano, rompeulle o nariz dunha puñada e deixoulle o rostro desfigurado. Acomplexado, desde aquela Miguel Anxo representou nas súas obras a beleza ideal.



A Capela Sixtina

No ano 1508, o papa Xulio II fíxolle un encargo moi complicado a Miguel Anxo: decorar o teito da Capela Sixtina, no Vaticano. O traballo non era un xogo de nenos: nunca se pintara unha bóveda tan grande con figuras en movemento.

Resultou ser un traballo moi ben pagado: Miguel Anxo recibiu o equivalente a medio millón de euros! Pero tivo que se enfrontar a varios inconvenientes mentres pintaba, como a grande altura do teito ou a longa duración do traballo (catro anos!). Unha vez solucionados os problemas, Miguel Anxo puido concluír con éxito a súa obra mestra. En total, pintou na bóveda trescentas corenta figuras!

Pero non tivo dabondo con pintar a bóveda: vinte e cinco anos despois, volveu alí para pintar un mural enorme no altar, que representaba o Xuízo Final. Non é de estrañar que o conxunto da capela resulte impresionante!

Cavall Fort, n.º 1221 (adaptación)

2. Localiza no apartado de “De aprendiz a mestre” dúas palabras con este significado:

- “Que ten alterada a súa forma orixinal” : _____
- “Que se avergoña do seu aspecto físico”: _____

3. Marca cun "x". Cal cres que pode ser Miguel Anxo?



4. Escribe "V" se son verdadeiras e "F" se son falsas as seguintes oracións:

Miguel Anxo era teimudo, apaixonado e sociable.	
Miguel Anxo ingresou como aprendiz no obradoiro dun pintor famoso aos 13 anos.	
No século XVI, o Papa Xulio II encargoulle un traballo moi especial no Vaticano.	
O envexoso Pietro Torrigiano rompeulle un dente a Miguel Anxo.	
Por pintar a bóveda da Capela Sixtina, Miguel Anxo pagou o equivalente a medio millón de euros.	

5. Marca cun "x" o debuxo que representa o significado da palabra destacada.

Nunca se pintara unha **bóveda** tan grande.



6. Une, en cada caso, as palabras da esquerda cun antónimo. Ten coidado, hai palabras intrusas polo medio::

Lembra que os "antónimos" son aquelas palabras que teñen significados contrarios entre si mesmas.

teimudo

envexoso

éxito

complicado

fracaso

dócil

testán

sinxelo

xeneroso

complexo

trunfo

7. Marca cun "x", en cada caso, o substantivo intruso, é dicir, aquel que non se corresponde coa categoría de máis arriba:

SUBSTANTIVOS FEMININOS SINGULARES			
Pintura	Rostro	Obra	Faena

SUBSTANTIVOS MASCULINOS PLURAIS			
Aprendices	Teitos	Millón	Euros

SUBSTANTIVOS FEMININOS PLURAIS			
Figuras	Obras	Pinturas	Problemas

SUBSTANTIVOS MASCULINOS SINGULARES			
Debuxo	Nariz	Man	Obradoiro

8. Escribe o substantivo colectivo de cada unha das seguintes oracións:

- Ghirlandaio tiña no seu obradoiro un equipo de mozos aprendices.
- Onte unha orquestra alemá deu un concerto na Capela Sixtina.
- Os turistas seguían ao guía coma un rabaño de ovellas.



a) _____ b) _____ c) _____

9. Clasifica os seguintes substantivos:

rosto
beleza
pintor
teito
talento
envexa

Substantivos concretos	Substantivos abstractos
_____	_____
_____	_____
_____	_____

10. Completa o seguinte texto cos signos que faltan. Fíxate en cantos tes que poñer de cada:

puntos: 2

signos de interrogación: 4

signos de admiración: 4

UNHA VIAXE INESQUECIBLE A ITALIA

Gustaríache pasear polo centro histórico de Roma

Imaxinas

como serán as noites máxicas de Venecia

Queres gozar

das paisaxes da Toscana

Que doado che vai ser

A asociación Mocidade pola Arte organiza unha viaxe a Italia do 5 ao 15 de maio

A viaxe será en avión e o aloxamento, en albergues e casas rurais

Aínda que pareza

increíble, o prezo inclúe o almorzo e a cea

Va que é unha proposta moi interesante

Apúntate xa

Non podes perder unha ocasión coma

esta

